ТАЪЛИМ ТИЗИМИДА БОШҚАРУВНИНГ МОДЕРНАЗАЦИОН МЕХАНИЗМЛАРИНИ РИВОЖЛАНТИРИШ, ПЕДОГИК ТЕХНОЛОГИЯЛАРНИ ҚЎЛЛАШ МАХОРАТИ ОРҚАЛИ ШАХСНИНГ МАЪНАВИЙ ВА АҲЛОҚИЙ КАМОЛОТИНИ ШАКЛЛАНТИРИШ

Тайлаков Мухаммад Норбек ўғли

Қори Ниёзий номидаги Ўзбекистон педагогика фанлари илмий тадқиқот институти доктаранти

Аннотация

Мазкур мақолада таълим тизимида бошқарувнинг модерназацион механизмларини ривожлантириш, педогогик технологияларни қўллаш маҳорати орқали шахснинг маънавий ва аҳлоқий камолотини шакллантириш йўллари тўгрисида батафсил маълумот берилган. Таълимдаги модернизация шахс камолоти учун ҳамда ривожланишида мухим аҳамият касб этиши бўйича тавсиялар берилган.

Аннотация

В данной статье представлена подробная информация о путях развития модернизирующих механизмов управления в системе образования, о путях формирования духовно-нравственной зрелости личности через умение пользоваться педагогическими технологиями. Даны рекомендации о значении модернизации в образовании для личностного роста и развития.

Abstract

This article provides detailed information on the ways to develop the modernizing mechanisms of management in the educational system, the ways of forming the spiritual and moral maturity of a person through the skill of using pedagogical technologies. Recommendations are made on the importance of modernization in education for personal growth and development.

Калит сўзла

Модернизация, модерн, менежмент, инновация, технология, парадигма, интенсив, ресурс, педогогик технология, электрон ахборот

Ключевые слова

Модернизация, модерн, управление, инновация, технология, парадигма, интенсив, ресурс, педагогическая технология, электронная информация.

Keywords

Modernization, modern, management, innovation, technology, paradigm, intensive, resource, pedagogical technology, electronic information

Кириш

Жахонда педагогика соҳасининг ахборот ва инновацион технологиялар асосида кенг кўламда ривожланиши таълимни рақамлаштиришни, самарадорликни тезкор диагностика қилишга эришиш, сифатни бошқариш парадигмасини замон талабларига мос ҳолда жорий этишга оид тадқиқотларнинг тизимли

амалга оширилишини тақозо этмоқда. БМТ нинг 2030-йилгача халқаро таълим концепциясида "таълим олувчиларда танқидий фикрлашни ривожлантириш, ҳамкорлик қобилиятлари ва ўрганишга қизиқишларини кучайтириш"[1;4] каби вазифалар ўз аксини топган. Хусусан, инновацион таълим шароитида таълим тизимида бошқарувнинг модерназацион механизмларини ривожлантириш, менежментнинг замонавий технологиялари орқали сифат ва самарадорликни мониторинг қилишнинг интенсив баҳолаш инструментлари ҳамда стратегияларини жорий этиш долзарб аҳамият касб этмоқда.

Адабиётлар тахлили ва методлар

Илм-фан, техника, ишлаб чикариш ва технологиянинг жадал ривожланиши жамият хаётининг барча сохаларида тараққиётининг янги истикболларини очиб бериш билан бир қаторда имкониятларни ҳам кенгайтирди. Инсониятнинг тажрибалари давлат жамият қурилишига доир асрий муносабатларни янгича ёндашувлар асосида тартибга солиш борасидаги илғор ёндашувларнинг қарор топтирилишига олиб келди. Мазкур ёндашувларнинг мохияти сўнгги йилларда умумий тарзда "модернизациялаш" тушунчаси ёрдамида ифодаланиб келинмоқда. Хўш, "модернизация" тушунчаси луғавий жихатдан қандай маънони англатади? Ушбу тушунча негизида қандай холат тавсифланади? Модернизация (ингл. "modern" – замонавий, илғор, янгиланган) – объектнинг янги талаблар ва меъёрлар, техник кўрсатмалар, сифат кўрсаткичларига мос равишда янгиланиши саналади[2;45]

Таълим тизимининг модернизацияси — жамиятнинг ижтимоий, иктисодий ва маданий эхтиёжларини, унинг малакали кадрларга, шахснинг эса сифатли таълим олиш бўлган талабини кондириш, таълим тизимини баркарор ривожланишини таъминлаш максадида мавжуд механизмнинг кайта ишлаб чикилиши ёки такомиллаштирилиши. Мазкур модернизация шахсни ўкитиш ва тарбиялашга оид энг яхши анъаналарни саклаб колган ва бойитган холда мажмуавий характер касб этиб, таълим тизимининг барча сохаларини тўла камраб олади ва жамиятда карор топган малакали мутахассисларни тайёрлаш борасидаги эхтиёжни кондиришга хизмат килади. Таълим тизимининг модернизациялашда куйидаги устувор вазифалар хал килинади:

- ҳар бир шахснинг тўлақонли таълим олишида бошқалар билан тенг ҳуқуқлилиги ва таълим олишнинг очиқлигини таъминлаш; узлуксиз таълим тизимида янги сифат кўрсаткичларига эришиш;
- янги таълим ресурсларини жалб қилиш ва улардан самарали фойдаланиш асосида узлуксиз таълим тизимида самарали меъёрийхукукий ва ташкилий-иктисодий механизмларни шакллантириш;
- давлат ва жамиятнинг қўллаб-қувватлаши негизида таълим тизими ходимларининг ижтимоий мақоми ва касбий компетентлигини ривожлантириш;
- таълим тизимининг давлат ва жамоатчилик бошқарувига асосланганлик тамойилига мувофик таълим жараёни иштирокчилари талабалар, педагоглар, ота-оналар ва таълим муассасаларининг ролини ошириш.

Барча давлатларда бўлгани каби Ўзбекистон шароитида ҳам таълим тизимини модернизациялашда давлат, жамият, маҳаллий ва ижтимоий ташкилотлар, юқори ҳамда қуйи бошқарув органларининг ўрни ва роли, улар ўртасидаги ўзаро бирлик, ҳамкорлик муҳим аҳамиятга эга. Замонавий шароитда

таълим тизимини модернизациялашнинг устувор йўналишлари қуйидагилар саналади:

- электрон ахборот-таълим ресурсларини яратиш;
- -ўқитишнинг мавжуд ва янги технологик шаклларини ўзаро мувофиқлаштириш;
- -ўқув ҳамда мутахассислик фанлари асосларининг талабалар томонидан мустақиллик ўзлаштирилиши учун қулай педагогик ва технологик шартшароитларни вужудга келтириш

Мухокама ва натижалар

Айни вактда Республика ижтимоий хаётига шиддатли тезликда ахборотлар оқими кириб келмоқда ва кенг кўламни қамраб олмоқда. Ахборотларни тезкор суръатда қабул қилиб олиш, уларни тахлил этиш, қайта ишлаш, назарий жихатдан умумлаштириш, хулосалаш хамда талабага етказиб беришни йўлга қўйиш таълим тизими олдида турган долзарб муаммолардан бири хисобланади. Таълим-тарбия жараёнига педагогик технологияни тадбик этиш юкорида кайд этилган долзарб муаммони ижобий хал этишга хизмат қилади. Технология (юнон. "techne" – махорат, санъат, "logos" – тушунча, таълимот) – муайян (ишлаб чиқариш, ижтимоий, иқтисодий ва б.) жараёнларнинг юксак махорат, санъат даражасида ташкил этилиши Таълим технологияси (ингл. "an educational technology") – таълим (ўқитиш) жараёнининг юксак махорат, санъат даражасида этилиши Таълим технологияси – таълим мақсадига жараёнининг умумий мазмуни, яъни, аввалдан лойищалаштирилган таълим жараёнини яхлит тизим асосида, боскичма-боскич амалга ошириш, аник мақсадга эришиш йўлида муайян метод, усул ва воситалар тизимини ишлаб чикиш, улардан самарали, унумли фойдаланиш хамда таълим жараёнини юкори даражада бошқаришдир. Таълим методи – ўқув жараёнининг мажмуавий вазифаларини ечишга йўналтирилган ўкитувчи ва талабаларнинг биргаликдаги фаолияти усули бўлса, таълим методикаси эса муайян ўкув предметини ўкитишнинг илмий асосланган метод, коида ва усуллар тизими. Ўкитувчининг самарали фаолият кўрсатишга ундовчи дарснинг методик ишланмасини пухта ишлаб чикишдан фаркли ўларок, таълим технологияси талабалар фаолиятига нисбатан йўналтирилган бўлиб, у талабаларнинг шахсий хамда ўкитувчи билан биргаликдаги фаолиятларини инобатга олган холда, ўкув материалларини мустақил ўзлаштиришлари учун зарур шарт-шароитларни яратишга хизмат қилади[3;34]. Таълим технологиясининг марказий муаммоси – таълим олувчи шахсини ривожлантириш орқали таълим мақсадига эришишни таъминлашдан иборат.

Педагогик вазифанинг ҳал этилишига ўқитувчи ва ўкувчилар фаолиятларининг мазмуни, воситаларини лойиҳалаш орқали эришади. Замонавий шароитда таълим жараёнини технологиялаштириш уни лойиҳалашга нисбатан янгича ёндашув, яъни, таълим жараёнини технологик структурасига мувофик ёритиш заруратини тақозо этади[4;55]. Ўқитувчи касбий фаолиятини ташкил этишда таълим жараёнини лойиҳалаш алоҳида аҳамиятга эга. Ҳар бир ўқув курсини ўрганиш алоҳида мавзу ва бўлимларни лойиҳалаш асосида амалга оширилади. Таълим жараёнини лойиҳалаш — педагогик фаолият кўриниши бўлиб, у таълим жараёнининг технологик тузилма ҳамда ўқитиш натижасини

кафолатловчи метод ва воситалар йиғиндисига эгалиги билан тавсифланади Лойиҳалаш маҳсули таълим жараёнининг лойиҳаси саналади. Педагогик амалиёт моҳиятини таҳлил этиш натижасида таълим жараёнини лойиҳалашнинг бир неча қонуниятлари ажратилди.

Улар: 1) таълим жараёнининг лойихалаш самарадорлиги барча таркибий қисмлар (технологик бошқарув, восита, ахборот, ижтимоий-психологик мухит)нинг лойихада максадга мувофик ёритилиши асосида таъминланади; 2) таълимнинг технологик воситалари ўкувчиларнинг индивидуал хусусиятларига боғлиқ ҳолда танланади; 3) лойиҳалаш стратегиялари ўқитувчининг индивидуал услубига мувофик танланади; 4) лойихалаш сифати тескари алока (ўкитувчи ва ўкувчи ўртасидаги) кўлами, лойихалаш мазмуни, шунингдек, барча омиллар самарадорлигига боғлиқ[5;44]. Таълим муассасаларида таълим жараёнини лойихалаш икки даражада: а) ўкитувчи фаолияти даражасида; б) таълим менеджери фаолияти даражасида амалга оширилади. Таълим жараёнини лойихалашда нафакат хар бир таркибий кисм, балки улар орасидаги алокалар ҳамда моделлаштирилади лойихалаш қонуниятлари лойихалаш тамойилларининг назарий асосларини ишлаб чикишга, педагогик фаолият амалиётида қўллашга замин тайёрлайди. Таълимни модернизациялаш таълим мактабларини бошқарув шароитида умумий ўрта такомиллаштиришда тамойилларнинг тўгри танланиши ва улар мохиятининг тўла ифодаланиши мазкур жараённинг самарали кечишини таъминлайди.

Хулоса ва таклифлар

Хулоса ўрнида шуни айтиш жоизки, таълимни модернизациялаш шароитида бошқарув жараёнини такомиллаштиришда психологик-педагогик таъминотнинг мавжудлигини таъминлаш мухим аҳамиятга эга бўлиши аҳамиятлидир. Таълим муассасаси инновацион фаолиятини бошқаришда инновацион ғояларни шакллантириш, ижобий таълимий ўзгаришларни аниқлаш, уларнинг имкониятларини таҳлил қилишинновацион педагогик технологияларни қўллаш мақсадга мувофикдир.

Адабиётлар рўйхати

- 1. Инновацион таълим технологиялари / Муслимов Н.А., Усмонбоева М.Х., Сайфуров Д.М., Тўраев А.Б. Т.: "Сано стандарт" нашриёти, 2015. 150 б.
- 2. Йўлдошев Ж.Ғ., Усмонов С. Илгор педагогик технологиялар. Т.: Ўқитувчи, 2004.
- 3. Рўзиева Д., Усмонбоева М., Холиқова 3. Интерфаол методлар: мохияти ва қўлланилиши / Мет.қўлл. Т.: Низомий номли ДТПУ, 2013. 115 б.
- 4. Толипов Ў., Усмонбоева М. Педагогик технологияларнинг тадбиқий асослари Т.: 2006.-260~6
- 5. М.Тайлаков. Таълимни модернизациялаш шароитида умумий ўрта таълим мактабларини бошқарув жараёнини такомиллаштиришнинг психологик-педагогик ва ахборот таъминоти (Т.Н.Қори Ниёзий номидаги Ўзбекистон Педагогика фанлари илмий тадқиқот институти "Узлуксиз таълим" илмий-услубий журналининг 2021-йил махсус сони 140-146 бетлар)